



1938.2
6329
v5

4166



附經驗急救方

救五絕良方

一曰自縊。二曰墻壁壓。三曰溺水。四曰魘魅。五曰凍死。
凡五絕皆以半夏爲末。冷水爲丸如豆大。納鼻中卽愈。心溫者一
日可治。又治卒死。半夏末如大豆許。吹鼻中。

扁鵲治產後暈死。半夏末冷水丸如豆大。納鼻孔卽愈。

一救自縊死

凡自縊高懸者。徐徐抱住。解繩。不得絕斷。上下安被放倒。微微撚
正喉嚨。以手掩其口鼻。勿令透氣。一人以脚踏其兩肩。以手挽

其頂髮常令弦急。勿使緩縱。一人以手摩將其胸臆。屈伸其手足。若已僵直。漸漸強屈之。一人以脚裹衣。抵其糞門。勿令瀉氣。又以竹管吹其兩耳。候氣從口出。呼吸眼閉。仍引按不住。須臾以小姜湯或清粥灌令喉潤。漸漸能動乃止。此法自旦至暮。雖已冷可活。自暮至旦。陰氣盛為難救。心下微溫者。雖一日以上亦可活。百發百中。一法以半夏末吹鼻中。一治自縊。氣已脫極重者。只灸湧泉穴。男左女右。脚灸三壯即活。一法男用雄鷄。女用雌鷄。刺鷄冠血滴入口中即活。不可將茶水灌。

一救水溺死

凡溺死者。先以刀斡開溺者口。橫放筋一隻。令其牙啣之。使可出水。又令一健夫。屈溺人兩足着肩上。以背相貼。倒駝之而行。令其出水。仍先取燥土。或壁土置地上。將溺者仰卧其上。更以土覆之。止露口眼。自然水氣瀉入土中。其人即甦。仍急用竹管各于口耳鼻臍糞門內更迭吹之。令上下相通。又用半夏末搗其鼻。又用皂角末綿裹塞糞門。須臾出水即活。一方艾灸臍中即活。一溺死將梯乘其人倒放。用鹽寒真填滿。及將鹽填臍上。鹽化即醒。

一救凍死

凡凍死及冬月落水微有氣者。脫去濕衣。隨解活人熱衣包暖。用米炒熱囊盛熨心上。冷卽換之。或炒灶灰亦可。候身溫暖。目開氣回後。以溫酒或姜湯粥飲灌之。若先將火炙必死。一用雄黃焰硝各等分爲末。點兩眼角。

一救壓死

凡壓死及墜跌死。心頭溫者。急扶坐起。將手提其髮。用半夏末吹入鼻內。少甦。以生姜汁同香油打勻灌之。次取散血藥服。如無藥。以小便灌之。一取東向桃柳枝各七寸。煎湯灌下。

一救魘魅

凡中惡魘死者。不得近前呼叫。但唾其面。不醒。卽咬脚跟及拇指。畧移動卧處。徐徐喚之。原無燈。不可用燈照。待少甦。以皂角末吹鼻取嚏。凡溺縊魘死。急取韭搗汁灌鼻中。得皂角末麝香同灌。更快捷。一男子被鬼擊。身有青痕作痛者。用金銀花二三兩煎湯飲之。極效。一治客忤卒死還魂湯。麻黃三兩去節杏仁七十粒去皮尖甘草一兩水二碗煎至一碗。灌之。諸卒死者通用。

溺死魘死諸厄。暗中雖牽擾鬼祟。然非無因。至前若能寬心忍氣及積善之家。亦安有是。予究心保元書。得此救急良方。因刊印行世。俾共知之。存誠附識。

安胎催生藥方

李氏存仁家傳

凡遇婦人懷孕三五個月。或感冒寒熱。胎動不安。及未足月之時。服之即安。如足月當產。服之即產。不論體之強弱。年之老少。皆可煎服。其妙如神。藥方開後。

當歸 一錢 貝母 八分 黃芪 八分 紫蘇 六分 枳壳 六分 黃芩 五分

白芍 一錢 甘草 二分 厚朴 五分 藿香 三分 蘄艾 三分 兎絲子 一錢

分四

以上作一貼。用白水兩碗。煎熟熱服。一二劑或三四劑。自然快生順養。母子兩全。但此藥產後切不可服。慎之慎之。

此方要以戩子照等分稱過方效。不可任意手撮。生下孩兒之後。此藥一滴不許入口。曾有悞服致不便者。至囑至囑。

歌曰 當歸一錢貝黃八。蘇壳六分絲錢四。

白芍一錢芩朴五。藿艾三分甘草二。

產後胎衣不下。用後方即下。

用無名異為末三錢。即漆匠所用煎油的干子是也。以鴨蛋白調勻碗貯。次用老米醋一茶盃。熱滾和藥同服。其胎衣即縮如秤錘樣下來。如或不下。不必驚惶。再服前藥三錢。萬無一悞。又益母丸。專治胎前產後臍腹作痛。服之即安。

益母草取紫花方莖者八兩 川當歸 赤芍 木香 各二兩
其益母草不犯鐵器摘碎風乾各為細末煉蜜為丸如彈子大
照後湯引嚙一丸

一胎前臍腹刺痛胎動不安下血不止用米湯或秦艽當歸煎湯
下 一胎前產後臍腹作痛作聲或寒熱往來狀如瘧疾者米
湯下 一臨產并產後各先用一丸童便入酒下能安魂定魄
調順血氣諸痛不生并可催生

以上三方經試效驗李氏祖傳萬無一失更期廣相傳佈

一方用益母草半觔 川芎 赤芍 當歸 廣木香各一兩製

為末煉蜜為丸梧桐子大每服五十九用好酒或童便酒早間
送下服之百日內有孕其妙如神

異傳不出天花經驗奇方

天麻子

三十粒去殼衣
揀肥大者用

硃砂

一錢揀明
透者用

麝香

五釐揀真
淨者用

右藥三味先將硃砂麝香研極細末後入天麻子共研成膏
於五月五日午時擦小兒頭頂心 前心 背心 兩手心

兩脚心 兩臂灣 兩脚灣 兩脇 共十三處俱要擦到

不可短少擦如錢大勿使藥有餘剩擦後不可洗動聽其自
落本年擦過一次出痘數粒次年端午再擦一次出痘三粒

再次年端午又擦一次。永不出痘。如未過週歲小兒。於七月七日。九月九日。依法擦之。更妙。男女治法皆同。傳方之家。不出天花已十三代矣。爰是刊佈以公於世。

經驗瘡疾方

此方得自都門。初不深信。後值敝處患者甚多。乃如法治之。效驗若神。卽立願施藥二十餘年矣。此方不敢私秘。刊刻以公於世。惟願同志者多刊廣佈。福有攸歸。幸勿輕而忽之。

真川貝

去心研極細末六兩

生半夏

四兩亦另研細末

右藥於五月五日午時合和。銅鍋微火炒至嫩黃色。冷定裝

入磁瓶。勿令泄氣。每服一分五釐。生姜汁二三匙和。隔水燉熟。在瘡未來先一時服下。卽愈。重者再服一次。愈後戒發物。及南瓜雞蛋芋芡等。二三月。勿致再發耳。

續附經驗急救良方

凡男女心腹絞痛。不得吐瀉者。名乾霍亂。俗名絞腸痧。須臾殺人。用滾湯半茶鍾。井水半茶鍾。名陰陽水。調白礬末二錢。探吐。去其暑毒。或用熱童便將鹽熬調飲亦可。更刺委中穴。及十指近甲處。刺出血更妙。勿與穀食。卽米飲湯下咽亦死。

凡男女生紅絲疔。須用針挑斷其絲。將多年屎坑上碎木椽子。燉

灰研細。用錫糖拌塗在紅絲疔上。聽出疔瘡頭。疔卽拔出無事。若不急治。隔一日外卽無救矣。

凡人夏月暑天。道途猝倒。不省人事。或稍醒而不能運動者。急扶陰涼乾處。搨道上熱土放臍間。撥開作竅。令人溺尿其中。後用薑蒜嚼爛。以滾水和童便送下。切不可灌冷水。入腹卽死。外用布蘸滾湯。摩心腹臍下卽愈。

凡人猝中昏倒。不省人事。牙關緊閉。涎潮壅塞。急以大指掐人中。候醒。或用半夏末。或用皂角細辛菖蒲爲末。吹入鼻中。取嚏。如口噤不開。以白鹽梅蘸蠶蠶擦之。待其少醒。然後可用藥。

凡男子婦人涎潮於心。猝然昏倒。不省人事。當卽時扶入暖室中。扶策正坐。當面作好醋炭薰之。令醋氣沖入口鼻中。良久其涎潮聚於心者。自收歸舊。輕者卽醒。重者亦省人事。惟不可吃一點湯水入喉。如入湯水。則其涎水繫于心絡不去。必成廢人。

凡男子婦人奄奄死去。脉動無氣。氣閉不通。名謂尸厥。將菖蒲屑納鼻孔中。再用肉桂屑放舌下。或剔取本人左角髮方寸。燒灰成末。和熱酒灌之。立愈。并以竹管吹其兩耳。更妙。

凡小兒初生下地。卽不啼哭。奄奄如死者。急看喉間懸瘻。前上齶有一泡。速用指甲摘破。急以帛拭去惡血。勿令嚥下。卽能通聲。

啼哭。

凡小兒初生。氣絕不啼。急用綿緊包裹。抱在懷中。未可斷臍帶。將胞衣置爐炭中燒之。撚大紙條蘸油點火。於臍帶下薰之。蓋臍帶連兒腹。薰時有火氣由臍入腹。更以熱醋湯盪洗臍帶。須臾氣回啼哭。方可洗浴斷臍帶。

凡小兒初生。啼哭不出者。須看舌下。若連舌如石榴子。速以指甲摘斷之。或用蘆葦削作刀割之。微有血出。卽愈。若舌下血出多者。將亂髮燒灰。同猪脂少許相和塗。若小兒齒根有黃筋兩條。以蘆葦削作刀割斷。猪乳點爲妙。如兒口難開。先點猪乳。小兒

初生。不小便者。急用葱白四寸。四破之。以乳汁半盞。煎沸灌下。

凡小兒初生。大小便不通。腹脹欲絕者。急令婦人以溫水嗽口。吸咂兒前心後心。并臍下及手足心。共七處。以紅赤色爲度。卽通。萬金不傳。遇仙丹。專治胎前難產。歷經驗過。

凡產婦累日不下。危急之至。將草麻子十四粒。去殼。明硃砂一錢半。雄黃一錢半。蛇蛻一尺。燒存性。共研細末。用漿水飯和丸。如彈子大。先用椒湯淋漂。產婦臍下。然後將藥一丸。放於臍中。用紙數重。覆以潤帛束之。若兒頭先下。急取去藥。

立聖丹

凡產難危急者。用寒水石四兩。二兩生用。二兩煨赤。同研細末。加
硃砂五錢同研。如深桃紅色。每用三分。井花水調如薄糊。以紙
花剪如杏葉大攤上。貼臍心。候乾再易。不過三上。卽產。橫生倒
生死胎皆驗。

凡產婦血暈不省人事。用五靈脂二兩。半生半炒。爲末。每服一錢。
白滾湯調下。如口噤者。抉開灌之。入喉卽愈。

凡有倒產。兒足先下者。因兒在腹中。不能得轉。故脚先出來。謂之
逆生。須臾不救。母子俱亡。若令產母仰卧。令收生之婦推足入

去。一則恐產母驚嚇。二則收生者非精良妙手。反致傷人性命。

不若用法。以小絹針刺於兒脚心。刺三五刺。用鹽少許塗刺處。
卽時順生。又法以鹽塗兒足。以指甲搔之。并以鹽摩母腹上。

凡產後血暈不知人事。危篤之極。不可卧倒。扶坐時。背後一人撐
住。用醞醋將火炭浸醋中薰之。使醋氣入鼻中。再用花蕊石末

一錢。童便調下。如口噤者。抉開灌之。卽醒。又方以五靈脂二

兩。半生半炒。溫酒調下。二錢。口噤者。抉開灌之。又方以真鬱

金燒存性爲末。二錢。用醞醋一合。調灌立效。又方半夏末。冷

水和丸如豆大。納鼻中卽效。



凡產婦中風不省人事。口吐涎沫。手足瘳癢。用歸身荊芥等分爲末。每服二錢。水一盞。酒少許。童便少許。煎七分。灌之下咽卽愈。誤傷急救。

凡人被牆頭壓死。心頭溫者。將身盤坐。緊提其髮。用半夏末吹鼻取嚏。以麻油和薑汁灌之。少頃卽醒。

凡人或跌或打。傷損在胸膈不食者。以生豬肉切細末。將溫水送下一錢。卽思食。

凡人或跌或打。脇破腸出。急以油抹入。煎人參枸杞汁淋之。連食羊腎粥十日愈。或以冷水噴其面更妙。

凡人刀斧傷指斷者。將蘇木末敷。用蚕繭裹。數日卽愈如故。

一切中毒急救良方

凡中砒霜毒。刺活羊血服。或飲宿糞水。或搗烏柏樹根汁服。

或搗菘豆汁服。皆驗。或用降香末四兩濃煎服。亦效。

凡中鹽鹵毒。縱飲生豆腐漿卽解。

凡中河豚毒。胡麻油。大豆汁。橄欖汁。並可解。

凡中白果毒。將木香滾水磨汁。入麝香少許。服之卽解。或將白果

殼搗爛煎服。

凡中鉛粉毒。以麻油調蜂蜜如飴糖與服。

凡中水銀毒。以炭末煎汁解之。

凡誤食金銀器。將陳大麥去芒刺。炒研作粉。用黃糖少許拌食。一日三次。每服一盞。三四日即解。下獨可喫粥飯。大葷不可喫。湯水。又誤吞針者。煮蚕豆與韭菜同食。自下。

凡被人咬傷。若牙黃入內不出。必爛毒難愈。重者喪命。輕者被咬處必成錮疾。速用人尿浸二三時許。待其牙黃毒出。然後以龜板炙灰敷之。即愈。

凡人被蛇咬傷。急於傷處上下紮縛。使毒不散走。隨浸糞缸內。食蒜飲酒令飽。使毒不攻心。又方。將貝母爲末。酒調。盡醉飲之。頃久酒逢傷處。化水流出。候水盡。以艾圓灸之。或再用去毒藥敷之。

預防疾病要訣

凡人於三四月間。有喉間病者。皆因寒天寒氣鬱結不開。至春始發。須於初交冬時。多買萊菔菜。俗名蘿蔔葉。攤在瓦屋上。任他日晒風吹。雨雪霜打。不要收下。直到立春前一日。收下。或將竹或繩。掛在無日頭處陰乾。春二三月收來。切碎。將醬或鹽放在碗中。飯鍋上蒸熟。當日日喫飯小菜。甚妙。一家永無喉間之患。若有人家患此病者。將此菜與他煮湯服。或研細末。調下。即愈。

保身立命要訣

五月十五日為天地交。夫婦當分牀獨宿。若犯禁忌。一年內夫婦雙亡。若十五子時犯之。半年內必然夫婦雙亡。已驗二人。

仙傳洗目方

杭州知府年九十。雙目不明。無方可治。幸遇仙人付此藥方。用桑樹皮晒乾一兩。燒灰用淨水一鍾。煎至八分。去渣澄清。洗至一年。勝如童子一樣。此方醫治百餘人。無不效驗。凡有目疾者。先取青桑皮晒乾。每月須照下開日期。虔心齋戒洗治。不可間斷。俟愈而後止焉。并不可間雜他方洗治。此從山東濱州傳來。幸

勿忽之。

正月初八日

二月初一日

三月初五日

四月初十日

五月初十日

六月初七日

七月初七日

八月十五日

九月初十日

十月初五日

十一月初十日

十二月廿三日

凡遇閏月照前

吐血神驗方

童鷄一隻

男用雌鷄未生蛋者
女用雄鷄未曾啼者

用竹刀或磁瓦宰殺。

忌鐵器

將砂鍋

燒湯滾過。候至可用。則用以伐毛。洗淨。亦用砂鍋中滾過湯。忌

生水并鉄。取六月雪嫩頭。用手摘。忌鐵器。按病人年紀。每歲用鍋中水。嫩頭一個。同鷄肝等納入鷄腹中。用新瓦鉢兩個。合鷄在內。將厚麵漿糊口。再用鐵鍋兩隻。合瓦鉢在內。亦合厚麵漿糊口。鍋中鉢總要拭乾。不着滴水。然後用稻柴火約中三圍。扎三大草。把徐徐而煨。每煨過一草把。撒上礮糠數把助煨。約用礮糠如法煨過。鷄即熟爛。取出檢去六月雪。將鷄用手拆碎。忌用鐵刀切。食時只可用飛鹽二三匙。或飲酒少許。其鉢內鷄滿。即用淘飯。鷄雜亦須並食。或一次食。或勻二三次食。總以食盡為度。不得分與他人食。他人食則少效。并鷄骨亦忌與犬食。食後

忌醬物數日。病輕者食鷄一隻。即痊。其最重者一月內食至二隻。總無不驗。

爛喉沙應驗方

牛黃 五釐

指甲

五釐 瓦上焙 黃男女互用

青黛 六分

壁喜窠

二十個 要在墻

頭上者瓦 上焙黃

冰片

二釐

藥珠

三分

象牙屑

三分 瓦上焙黃 研末吹在患處

屢試 屢驗

其人晚年無子。傳此方舉兩子。

預防瘧痢良方

伏中九製大黃一味。其法將錦文大黃一兩。切薄片。用上好陳元酒四兩。浸一夜。明日放在飯鍋上蒸過後。晒在日中。收來仍浸

在酒中。如是者九次搗爛為丸。如梧桐子大。於立秋前一日用滾湯送下三錢。小兒二錢。虛弱者減半。服後半晝時。即腹微痛水瀉。如有暑邪積滯者。即紅白痢。下二三次即止。可保一秋無瘡痢之患。

油灰蠟痢

白殼蝦三文。白糖二文。同搗爛。剃頭後塗患處。癢不可搔。三次即愈。

舌腫神方

舌猝然腫硬。咽喉閉塞。即時氣絕。用皂礬不拘多寡。在瓦上焙紅。

色放地上候冷。研細。將病人用鐵鉗拘開牙齒。以藥搽其舌。即活。

口疳藥方

人中白一錢五分 硼砂一錢 黃柏末一錢 青黛一錢
熊胆一錢 龍骨五分 冰片五分

以上七味。共研為細末。吹入口疳上。神效。

火燙藥神方

大黃末四兩 松香末四兩 將松香清水內燒化。傾入涼水內。撈起瀝乾。研用。
赤石脂二兩 白石脂二兩

以上四味共爲末。菜油調塗痛處。立時不痛而愈。若遇已破。卽用乾末滲上。卽日不痛而結痂。神效無比。

治狐媚方。凡狐迷男女。白日用口吸人精。夜間交媾如人。用桐油搽陰處。自去。或用珠蘭根搽之。則獸自死。卽將獸肉晒乾爲末服之。更妙。

走馬牙疳方。蒲黃炒擦卽愈。

通關散治頭昏。偏正頭風。暴發火眼。痰厥重傷風。

鷺不吃草

五錢去淨土

牙皂 二錢

細辛 二錢

用明礬水將鷺不吃草細辛洗淨晒乾。用牙皂共爲細末。聽用

吹鼻。

治牙痛方極效

松蘿茶 紫城 花椒 以上各三錢

水二碗煎八分。每日早中晚漱口卽愈。將水漱完。永不發。

治結核方。生蘿卜皮貼之。若不消。連貼數塊卽愈。

專治發背神方。用苦參一味三斤熬濃湯。時刻飲服。初起者服三斤可以陰消。如已成形腐爛者。外用去腐生肌藥敷。內服苦參湯。服至十二斤無不全愈。

專治對口神方。用肥皂一個。要頂大的。去子去邊。加婦人梳下

頭泥三錢。生山藥三寸。同和勻搗爛。敷於瘡上。不論初起腐爛。多敷幾次即愈。

專治小兒驚風。治驚神效亦能稀痘。

生川大黃 粉草 各二分 硃砂 一分

共研極細末。用黑砂糖一錢五分。滾水化開。調藥末。落草之後。用茶匙徐徐勻作兩日內。溫溫灌完。凡產下嬰兒。服過此藥。永無驚風之患。即日後出痘疹亦輕微。倘未服此藥。偶于五七日之間。已動驚風。用此一服即愈。是方屢經效驗。一筆消無名各腫毒。

藤黃 五錢 黃柏 一兩 青黛 一兩

以上共為細末。用醋調搽患處。立消。

專治痔漏極效單方。腸風下血並治。

用野蘿蔔。此種三月間採收鮮。一個。去梗葉。猪肉四兩。不用鹽。用亦佳。一名野苦蕒。置新砂鍋內。煮熟下飯。如此用一個。血即消止。用二三個。可全愈矣。

立效散 治閃挫腰疼。不能屈伸者。

牙硝 半釐 雄黃 半釐 麝香 半釐

共研為細末。以少許點人中。令人扶患者。周圍行數次。腰疼如

失如未效。再點再行。疼止為度。神效。

又方以橙子核炒乾為細末。以鹽酒調。空心服。尤妙。

治疔積方

莪朮咀片。好醋浸透。銅銚炒乾為末。再用鷄肝。將銅刀花片。每用莪朮末五分。淹於鷄肝片內。線縛住。蒸熟食之。莪朮末陳久。再用好醋。烹而炒之。

治小兒走馬疔法。用石菖蒲磨凉水。常漱洗愈。

治天泡瘡方

兼治肥瘡白蛇患驗過

真香油。加舊生鐵上銹。用手摩下鐵銹。不拘多少。加靛青一釐

入油內。搽瘡上自愈。

治湯火燒爛方

用生大黃研末。再用鷄蛋白調患處。二三次即愈。

治魚骨哽喉方

用青果。威靈仙砂糖共為一處煎。吃上二三口。其骨化為涎。

治風毒癩癧方

皂角三十枚。十枚燒灰存性。十枚塗醋炙。去皮子。十枚水浸透。去皂角用水。

何首烏四兩薄荷四兩元參四兩精羊肉半斤用皂角水煮肉合爛細研合藥

爲丸如彈子大每服二十九空
心溫服酒下薄荷湯亦可神效

治心氣痛方

用芝麻一合炒黃好米醋一盃煎至三分服之神效

治脚氣疼方 用冬瓜皮煎湯洗之立效

治刀斧破傷方

用戴過舊毡帽燒灰研末敷上立時止血不痛易收口更神效
酒肉過多 脹滿不安用鹽花擦牙溫水漱下二三次如湯沃雪
也。

驚掌瘋病 真蘄艾四五兩水四五盃煮五六滾入大口瓶內用

麻布二層縛之將手心放瓶上薰之如冷再熱大妙

湯火灼方 預用瓶盛麻油以箸就樹夾取秋葵花入瓶內勿犯
人手密封瓶口用時取油塗甚妙

解中蠱毒 密取山豆根和水研服少許未定再服已禁聲者亦
愈

解河豚毒 倉卒無藥取清麻油多灌取吐出毒物卽愈

預解胎毒 七八月或三伏日中秋日剪葫蘆鬚如環子脚者陰
乾除夜煎湯浴兒能免痘

辟禳瘟疫 正月朔旦面東以糞汁吞赤小豆三七粒一年無病

七月立秋日。面西。并華水吞七粒。不犯痢疾。

夜禁魔魘。卧時以鞋一仰一覆。則永絕。

金蠶蠱。中之者。吮白礬味甘。嚼黑豆不腥。以石榴根皮煎汁吐之。取兩刺蝟到家。必能捕獲。

足趾雞眼。作痛作瘡。地骨皮同紅花。研細敷之。即愈。

治面上瘡。鹿角燒灰。調香油抹。立效。

金瘡鐵扇散

象皮五錢

切薄片用小鍋焙黃。色以乾為度。勿令焦。龍骨五錢 用上白者生研。老材香一兩

山陝等省無漆民間棺殮俱用松香黃蠟塗於棺內數十年後有遷葬者棺朽另易新棺其朽棺內之香蠟即謂之老材香東

南各省無老材香。即以數百年陳石。寸柏香一兩。即松香中。灰一兩代之。其效驗與老材香同。

松香一兩

與寸柏香一同。鎔化攪勻。傾入冷水。取出。晾乾。飛礬一兩 將白礬入鍋內熬透。便是。

以上六味。共為細末。貯磁罐中。遇有刀石破傷者。用藥敷傷

口。以扇向傷處搨之。立愈。傷處喜涼惡熱。夏月宜卧涼地。冬

月忌卧熱處。傷口不必用布包裹。以致過煖。難於結痂。並忌

飲酒。以致血熱妄行。設遇傷處發腫。總以鷄鶩翎毛。蘸黃連

水塗之。至於敷藥時。若血流。乃用扇。倘不流血。即不必扇矣。

若受傷日久。潰爛有膿血。用黃連煎湯洗。上藥敷之。此方蓋

明大中丞德。得於山右盧醫。刊以傳世者也。後文制軍綬。重

刊之。有沈雨蒼者。如其方以行藥於杭越間。無不奇驗。

治偏正頭疼。眼花生翳。碧雲散

南鷺兒不食 二錢 川芎 一錢五分 青黛 五分 冰片 五釐

共研細麵代鼻烟用

治婦人血崩。諸藥不效。蓮房炭 五錢 烏梅炒炭 五錢

共為細末。每服三錢。茺蔚子三錢。煎湯調服。五服即愈。

治一切乳瘡吹乳方。翻白草 鮮者更妙 酒煎熱服。立效。

治婦人白帶。真蕎麥麵 不拘多少

雞子清和丸。如梧桐子大。每服三錢。早晚空心白開水送下。

不染時症法

凡人病人家。用雄黃搽鼻孔內。或飲雄黃酒一盃。則所至不染。

治陰症神方。明礬 一錢 黃丹 八分 胡椒 二分 芒硝 一分 共研末。以醋調

勻。男攤左手心。女攤右手心。緊對陰竅。少刻熱氣上冲。渾身大

汗。衣被盡濕。寒隨汗出。症立愈矣。

三白散。治一切惡瘡惡毒。初起無不立消。

飛羅麵 白洋糖 生山藥 連皮各等分 共搗爛敷患處。乾則再敷。

即愈。

白帶丸方

陳烏菱粉。以雞蛋白調爲丸。如花椒大。每服三錢。酒下。早晚各一服。

鎖喉風方 以甘菊花根洗淨。搗汁灌下。卽愈。

治霍亂吐瀉 乾佛手煎湯飲之。卽愈。

舌長數寸

番木鱉四兩。刮淨毛。切片。川連四錢。水二碗。煎至一碗。將舌浸良久。卽收。

誤吞金器 以蚯蚓糞溫水攪吞。卽解出。

治滑胎方

續斷杜仲等分。爲末。用雄豬肚子一個。填藥塞滿。用酒煨爛。搗和丸。如黃豆大。每月吃一箇。神效。此方蘇州某姓祖傳。女科秘方也。

稀痘神方

橄欖核搗碎。研磨成細末。如粉。雜入粉麵中。作糕餅。每日隨意量。與小兒食之。其橄欖核末。服過四兩以上者。出痘稀少。服至一斤許者。永不出痘。

偏頭風方

馬齒莧卽醬板草。不拘多少。煎滾。以氣薰鼻孔。左痛薰右。右痛

薰左卽愈。

刀傷藥方

端午日用石灰一升。大黃一兩。炒至桃花色爲度。磁瓶貯用。止血極妙。名桃花散。

易產神方

將產一兩月。每日清晨。以豆腐漿一碗。入麻油二匙。熱飲。若患脾氣泄瀉。暫停幾日。不惟臨盆省力。并小兒亦少胎毒瘡疹。

臨產代參方

先期兩三月前。將上好龍眼。去核淨肉一二斤。置粗磁內。取堅厚大

碗安放平實。上蓋建蓮子一層。每日於飯鍋將熟時蒸之。勿令

入水。愈蒸愈妙。至臨產數日前。每日取一小塊。開水冲服。臨分

娩時。取一大塊冲食。或服一二次。久蒸味出。兼得穀氣。一經開

水。汁色濃黑。大助氣血。取用便捷。殆勝於人參也。

打傷方

脚跟被靴小擦破亦治

白蠟一兩。騰黃三錢。入麻油溶化。塗傷處立愈。此方止痛止血及湯

火傷皆妙。

病後耳聾方

眞珠二粒。各重三釐。用生半夏粉一錢。將珠於米湯內打濕。滾

半夏粉在上約黃豆大將絲綿裹好放入耳內七日則聰

肚腹痛護臍丸

胡椒三分硫黃一錢黃蠟一錢溶化為丸芡實大每取一丸入臍內

即愈

蜈蚣咬方 以燈心花落在燈盤油內者取敷患處

小兒火毒游瘡方 葦菜地上蚯蚓糞煨以麻油調搽

小兒痘不出方 帶肉淡櫻桃七枚煎湯服下即出

魚骨入喉 以橄欖煎湯服之即愈

痔漏丸

魚鱉四兩極明淨者黃蠟四兩明礬二兩硃砂一兩珍珠五錢象牙五錢

先將魚鱉酒煮極爛杵如膏入蠟化盡離火入礬并硃砂牙末

和勻丸如梧桐子大每服三十丸空心酒送下 附原方論說

按痔之為病繇於七情內傷五賊外攘饑飽不節勞役異常兼

之酒色厚味所致也生於肛門之外者名外痔生於肛門之內

者名內痔初起即當醫治庶免後患人每以小恙不足懼延捱

日久變為痔漏始乃倉忙求治或治不如法往往糞從孔出

血從竅流釀成莫救之禍惜哉予每目擊而心憫焉因徧訪名

流得傳是方製以療人輒皆奇效蓋黃蠟明礬為解毒生肌之

聖藥加硃砂珍珠牙末其功更倍之矣。用魚鱈為君者取其味厚滋補而有膠固不漏之義焉。且無刀針掛線爛藥之險。重軀命者亟宜服之。崇禎戊寅新安洪九弓識。

治一切腫毒方 赤小豆磨為末。雞蛋青調塗。神效。

湯火傷方

麻油倍用白蠟 白蜜 先用麻油熬數滾。入蠟溶化熬數滾。再

加入白蜜熬勻。候冷刷塗傷處。即能止痛速愈。愈後并無斑點。若疼急傷重。外敷內服即可護心不致火氣內攻。

寒濕脚氣

花椒一兩葱一把薑三兩水十碗煎湯薰洗腫消痛止。

小兒遺尿方

取龜尿滴臍中即愈。取尿法將荷葉放盆內。龜放葉上用鏡照。

龜見自影即撒尿。

禿髮再生方

訶子三錢青果五錢三奈 官桂 樟腦各一錢香油二兩

浸三日。每早手蘸油擦三十六下。日後短者長。無者生矣。

蜈蚣咬方

取鍋底煤搽立止疼。

諸虫入耳

用猫尿滴耳中。其虫自出。用生姜擦猫鼻即尿。

服瀉垂危方

即將白洋糖四兩湯調灌下即活。

手足凍瘡

將蘿蔔菜橘皮煎湯先洗。用蠟壳燒灰研麻油調敷。



刀傷方 葦菜同石灰搗成餅貼牆上乾透研極細血流不止。搽上立愈。宜預備施送。

鬼箭風痛 紅花 白芷 防風 威靈仙各二錢 酒煎服取汗三

服全愈。切忌針挑火焮。

治急心疼 一個烏梅二個棗 七個杏仁一處搗 男酒女醋

送下之。不害心疼直到老。

飛絲入目 石菖蒲搗碎左目塞右鼻右目塞左鼻百發百中。

治馬患諸病 用白鳳仙花蓮根葉熬膏有病抹其眼四圍角上

卽汗出而愈。

土虺蛇咬 急拔去頭心紅髮一根用何首烏搗汁沖酒服渣敷

咬處其疼立止。

火丹赤遊丹毒爛至背心只有一層未破者不治卽死 用六安

茶爲末香油調敷大妙。

辟蠱毒神方 凡遊川廣者不可不知大葶薺不拘多少切片晒

乾爲末每早空心白滾湯調下二錢入蠱家無害。

爛腿方 松香不拘多少 用水法製點香一炷換水一次照法八次點

香八炷爲度再用冷水浸松香在內成塊聽用新鮮豬板油并

松香搗爛成膏攤油紙上用簪腳搶數孔再以油紙夾名夾紙

膏縛於患處三張自愈。

過街笑 專治腰挫閃痛。木香一錢麝香三分為細末吹鼻內。如閃左

吹右閃右吹左。令手上下揉之。

下疳方 甘草 金銀花 苦參 花椒 葱頭各一錢煎湯入小

口瓶。先薰後洗。

急救疔瘡走黃 丁香四分木香四分乳香五分麝香五厘沉香四分雄黃六分

共研為細末。社醋調。五月五日午時。或天德月德吉日。合之。須

挑破瘡頭。將醋一點。用藥少許。安膏上。貼三日愈。

鶴膝風方 白蒺藜一斤炒去刺帶黃色牛膝三兩虎骨三兩酥炙共為細末。朝服

三錢。夜服二錢。酒下。遠年者一斤全愈。

治肚腹泄瀉方 山查肉炭 大麥芽炭 紅糖 各三錢。連皮

淡姜湯沖服。

賺瘡爛腿。無論遠近爛見骨者。半月收功。

香油四飯碗亂髮四兩杉木皮三兩燒灰研末白占二兩麝香五分將油煎熟。入

亂髮候化開。次下杉木灰。再入白占。化烱後。下麝香攪勻。復以

阡張紙入油內。收盡為度。貼三日。反轉外面貼七日。全愈。

治疗瘡奇方 取菊花葉搗汁。一酒盃。用熱生酒沖服。取醉而睡。

將渣敷患處即愈。輕者用煤炭研末水調敷即愈。

立時拔疔方 葶麻子一粒去油。滴乳香一分去油。共研末。或軟飯或棗肉爲小餅。放疔上外。將膏藥貼之一二時。卽拔其根。妙甚。試疔以生荳令患者口嚼。無荳味是疔矣。否則非疔。

辟瘟丹 虎頭骨 藜芦 吳茱萸 南星 皂角 雄黃各二錢

木屑二合酒浸晒乾。共爲末。煉蜜爲丸。如小彈子大。焚一丸辟邪。已染病之家。焚一丸床下。卽平安。宜多製施送。

治痘後結毒 赤小豆 黃豆 菜豆各等分 用上好陳醋浸一宿。

搗如泥。敷患處卽愈。

藥以愈病。固已然。然病情不一。醫理難窮。藥不對症。服之無效。故

有同一病狀。同一方藥。用之於此而效。用之於彼而不效。且有不能卻病而轉以增病。甚至於不可救者。往往而是。故疾宜慎。而服藥尤宜慎也。是編所採。意取穩妥無弊。否則雖經奇效。亦不敢載。用者尚其審酌於臨時可也。

治發背左右反搭奇方 桐樹葉打桐油樹數張。濃茶煎。取葉俟冷。代

膏藥貼患處。每日換一張。換至六七張全愈。

治癬 豆腐乾以麻油煎。取油塗。

水蠱 葫蘆蒲燒灰酒服。

治對口瘡方 烏羊角炙灰。糖酒拌服立愈。

治蝎螫方 銀硃雞蛋青調塗。

明目方 花頭海螫一斤馬料豆一斤砂鍋煮至海螫化盡為度。將豆

晒乾。隨意作小菜點心食。老年燈下可寫細字。服一斤後即見效。

治痔瘡方 取秦椒一二十箇切碎。微炒黃。以滾湯潑入。煮一半刻。連椒傾入新便桶內。裸坐薰一二時。俟水冷起去。如此一二。次可永不發。

治癩神方 皂筴入醋煎三日夜。乾為末敷。

治心胃痛秘方 新棉花核炒黃研末。每服三錢。陳酒送下。連食

三服。即可除根。

治頭痛應驗方 將象牙皂角 白芥子 共為末。痛時嗅少許。

於鼻內三四次愈。并除根。

解諸毒 甘草 菘豆水煎服。能解百藥毒。食巴豆毒泄不止者。

煎服川連一錢立解。凡中砒霜一切毒藥垂死者。急用上好潔

灌即甦。掘黃土地三尺深。以白糖旋花淡豆豉甘草等分。研勻冷水調

新汲水攪渾。澄清取用。解百毒。 誤吞金 羊脛骨燒焦研末三錢。米飲湯下。從大便出。神效。吞鐵

物。用栗樹炭二塊。將鐵錘擣極細。砂糖和細丸。服三錢立出。

斑痧 其症頭腹痛煩悶眩暈。若與別症相同。但起於卒然之頃。

痛甚顛叫。按六脉皆沉。或右關浮洪。胸背股上有細斑隱於肌膚之內者是也。急尋生芋芳。或蠟油。各食二三枚。如非斑痧。難下咽。若真斑痧。味甜能下。神驗。生芋芳性更解此症。再用燈草。蘸茶油點火照之。隱隱紅斑上焯。必爆响。務要細看紅斑焯盡。否則復發。方用蕎麥五錢。煎湯温服自愈。不可太熱食。忌姜茶。酒烟。藥忌陳皮紫蘇甘草半夏。誤食者凶。并忌一切藥。猪羊肉。毒蛇咬方。烟管燒熱。滴油搽之。屢驗。

又方。用白芷末一兩水服下立生。爛入骨者。白芷末加胆礬麝香少許。日日滲之即愈。

又方。雄黃五錢靈脂一兩共為末。每服二錢酒下。再服效。

湯火傷方。飲冷水必死。浸冷水中必爛至骨。急搗蘿蔔汁或童便服。外用槐花炒研末油調。立時止痛。或爛茶葉敷。

治疔瘡方。凡手心口背及面上。有瘡起疱發癢。或寒熱。或麻木不痛。此極惡之瘡。急用巴豆一粒。米飯一粒。粘貼瘡上。立時拔疔。神效。菊花葉搗汁服一碗。死可回生。

治婦人乳癖驗方。白蛤蜊壳色淡者多皂角刺炙研粉調服兩

次即愈。

又方治乳膨立驗。炒焦大麥芽三錢浮者尤佳濃煎一碗服。後隨用

被兜頭睡。過出汗即愈。

轉女為男 婦人覺有姪。以雄黃一兩縫囊盛之佩帶。

乳上生疽 芝蔴炒焦搗爛。以燈盞內油脚敷即散。

天行瘟疫 取初病人衣服。於甌上蒸過。則一家不染。

治喉單雙鶩 山豆根不拘多少加麝香少許為末。吹入喉中自愈。

小兒臍不乾 亂髮燒灰敷之立效。

治內外痔 五月五日午時。取夏枯草煎湯洗之即效。

治男婦尿坑 用硫磺二錢。葱頭七錢。同搗爛。用布包臍上。即不

尿也。

治鴛掌瘋并面癬諸癬痒 天麻葉煮濃汁熱洗。多擦之。如無葉

用天麻子煮汁擦亦效。

治手生天蛇頭 元參五錢甘草三分研為末。用雞蛋白調搽立愈。

大便不通方 治年高人病後虛弱最宜。

松子仁 柏子仁 核桃肉 榧子米泔浸一日 叭嚙杏仁各等分。

量加白糖霜搗為餅吃。即通。

搐鼻法 治一切中風尸厥暴厥不甦。生半夏五分皂角五分共為

細末。男左女右。每用如黃豆大吹入鼻中。噴嚏立甦。如不噴嚏

則不治矣。

三豆飲 治小兒出花時氣天行痘症宜預服此。

黑豆一升 赤小豆一升 甘草節二兩 每日水煮任意食

豆飲汁痘自不發雖出必稀少。

治鼻衄方 淡紫菜一筋淡食不拘同酒飯食俱可或十日內或

五日內食畢可以永遠除根。

治腸紅方 豆腐鍋焦滯陰陽瓦焙乾研末每清晨服三錢用黃

酒送下立見功效。

治乳鷺最效秘方 將兩手大拇指旁縫內刺出血即鬆。

治蜈蚣咬方 鹽湯洗傷處痛止用劉寄奴擦之或吳茱萸搗爛

敷之。

五月五日採鷄腸草為末凡齒痛擦之立愈。

十二月收青魚膽陰乾治喉骨鯁二蛾用少許噙化咽下或研末

吹或水磨灌之極效亦治火眼。

十二月二十四鷄未鳴取第一汲井華水于淨器浸乳香至元日

五更煖溫合家從小飲起各吞乳香一豆大咽水二三口一年

無時疾。

辟瘟方 凡遇一切瘟疫以生大黃於室內燒之并製作扇墜等

器各佩一枚可辟邪穢。

救凍死方 凡冬月溺水之人。及被凍極之人。雖纖毫不省人事。但胸前有微溫皆可救。倘或微笑。必急掩其口。如不掩則咳不止。不可救矣。切勿令其近火。若一見火。則大笑不止。不可救藥。中暑迷悶。嚼大蒜一大瓣。冷水送下。如不能嚼。用水研灌之路。中倉卒無水渴甚。急嚼生葱二寸許。和津同咽。可抵飲水。救驚怖 驚怖死者。以溫酒一兩盃灌之。即活。

治痢疾方

萸素花

七個

建蓮子

七個

酸梅

七個

紅棗

七個

紅糖

七錢

燈心

七寸

生薑

七片

水三鍾煎七分。露過一夜。溫服即愈。

食物諸毒須知

菟鱉併食毒

昔人有將鱉與菟併食之。遂病死。屍未殮。忽小鱉無數。自九竅湧出。散走馬廄中。惟遇馬溺。輒化爲水。又有人誤食鱉菟飲馬溺得瘥。或云白馬溺尤良。

食驢肉喫荆芥茶殺人

昔人啖黃魚羹罷。採荆芥和茶而飲。足底奇痒發狂。又食黃頰魚。偶犯荆芥者必立死。荆芥一名

假蘇。

屋漏滴肉上殺人。

蜜鮮併食毒

韶州有僧飽食新蜜。還至半道。遇賣鮮者。買食半

斤。至夕死。

河鮪藥並食毒。凡服藥前後一日俱不食。

獸岐尾。蟹獨鰲。羊一角。鷄四足。白鳥烏首。烏雞白首。白馬青蹄。黑蹄。肉落地不沾塵。經宿尚暖。曝炙不燥。入水自動。又皮肉無異。腸臟變改者。如肝色青黯。腎氣紫黑。魚無腸膽。牛肝孤葉。鮓魚同鹿肉。羊肉同鱸。羊肝同生椒。多食豬肉得葫荽。俱殺人。生鱸同酥乳。變諸虫。牛猪肉同食。成寸白虫。猪羊肉以桑楮柴煮炙食之。亦成寸白虫。

飲蛇遺水毒。蛇遺不淨在澗。誤飲其水。腹中產蛇。水調雄黃服

之下。蛇愈。

飲瓶花水毒。早蓮臘梅更甚。

草藥夾雜毒草。山有毒草。入山採藥。須細心揀淨。

鷄毒。鷄食蜈蚣百虫。久則蓄毒。食之殺人。故養生之家。鷄老不食。又夏不食鷄。

黃蠟炒鷄人食之。張悶氣塞。三日而死。他毒可驗。此毒死如平人。絕無可驗。亦無可救法。辟穀諸方。每有用黃蠟者。必須解下。然後可吃他物。解法用青菜冬葵子湯。飲一二碗。或麻油大麻子汁。葵菜湯。波菱菜湯。亦可。

食物過荆林毒 昔一婦以魚湯米飯餉夫。道過荆林。落荆花於中。食之死。

鱗昂頭出水者有毒殺人。

守宮毒 隔宿几上茶水不可飲。因守宮之性。見水即淫。餘瀝遺入最毒。誤飲。急覓地漿水解之。或可救。

衣有暑毒 夏日汗透衣。切不可於烈日中晒。若將乾。忽暴雨將至。急爲收納。則烈日之毒即錮於內。如遇酷暑汗出時。偶一衣之。則暑以引暑。其毒立中。症候全類傷寒。若誤作寒治。必至發狂譫語。再誤投參芪桂附湯以益陽。未有不至口鼻流血不已者。

空房邪氣毒 久閉宅舍。陰臆潮沴。濕毒閉結不散。甚或狐淫邪魅。借以潛踪。蛇虺惡獸。從而盤踞。宜大其聲勢。或先之以火。驚而散之。

蛇虺涎毒 凡年久臺榭池館。藤蘿花樹翳翳之下。不可恣爲烹飪。恐其中有蛇虺毒虫窟穴。宴設至夜。蠅蚋之類。必爲叢積。諸物遊行梁上。吸其所欲而不得。涎墜餚中。麇之必斃。

中煤炭毒 土坑漏火氣而臭穢者。人受薰蒸。不覺自斃。房中置水一盆。則免此患。

治誤食砒毒 生白礬三錢。井水下。

兔肉與雞同煮食。易泄瀉。

柿 引痰性寒。倘同蟹食。羊肉食。必致患痢。腹痛。或至不救。



